


Završena realizacija projekta “Uspori - Djeca na putu”

21.01.2020 09:40

Obzirom na jedan od strateških ciljeva koji se odnosi na segment sigurnosti u saobraćaju, Uprava policije MUP-a TK-a je, s ciljem povećanja stepena sigurnosti djece – učenika, kao najranjivije kategorije učesnika u saobraćaju, u toku 2019.godine u saradnji sa RTV Slon poduzela niz aktivnosti na pripremi materijala za provođenje medijske kampanje/projekta pod nazivom “Uspori - Djeca na putu”.



Shodno navedenom, izrađeni su video klipovi edukativnog karaktera (kretanje ulicom; ulazak i izlazak iz autobusa; izlazak iz školskog dvorišta i odlazak na igralište; kretanje saobraćajnicom bez trotoara; ponašanje djece u saobraćaju i dr.) koji sadržavaju školske patrole; edukaciju roditelja o pripremanju djece za školu, ponašanje djece u saobraćaju, promociju sigurnosti u saobraćaju, afirmaciju gledalaca o važnosti saobraćajne kulture i saobraćajne sigurnosti.

Emitovanje navedenih klipova je vršeno na programu RTV Slon u periodu septembar- decembar 2019.godine, dok se navedeni sadržaj mogao pogledati i na web stranici MUP-a TK-a na linku “Kampanja Uspori 2019”.

Iako je projekat okončan, edukativni klipovi se i dalje mogu pogledati na web stranici MUP-a TK-a, te ovim putem ponovno apelujemo na sve učesnike u saobraćaju na poštivanje Zakona o osnovama sigurnosti saobraćaja na putevima u BiH, kao i da ličnim primjerom doprinesu većem stepenu, kako lične, tako i sigurnosti djece – učenika u saobraćaju, a učenicima želimo sretan početak drugog polugodišta školske 2019/2020.godine.

Uprava policije MUP-a TK